

Početak dokumentarne “Policija”

televizijske serije

“Policija”- televizijska dokumentarna serija u tri nastavka posvećena obuci i zapošljavanju multietničke policije počinje sa sedmičnim emitiranjem u četvrtak 13. septembra na TV BiH i petak 14. septembra na RTRS u 18:30 h.

U svrhu izgradnje multietničke policije Policijske akademije BiH Federacije i Republike Srpske od aprila 1999. godine primaju i obučavaju prvenstveno kadete iz manjinskih naroda. Dosada je obuku završilo ili se još obučava 405 kadeta na Federalnoj Akademiji, a 422 na Akademiji Republike Srpske u Banja Luci. Odabir slijedeće klase kadeta na Akademiji Federacije BiH je upravo završen. Testiranje je prošao 391 kandidat i 115 biće izabrano i 1. oktobra 2001. godine počinje obukom. Ovaj stalni ciljani proces regrutiranja i obučavanja predstavlja dio UNMIBH-ove Strategije regrutiranja policajaca iz manjinskih naroda i predstavlja podršku naporima RRTF da se ubrza povratak izbjeglica i raseljenih osoba.

Televizijska dokumentarna serija “Policija” prati uspone i padove policijskih kadeta u akademijama u Banja Luci i Sarajevu od momenta predavanja prvog zahtjeva za prijem, tokom obuke i sticanja iskustava na terenu do trenutka diplomiranja i prvog zapošljavanja. Ova serija pruža uvid u budućnost policijskog posla u BiH gledanu očima novih regruta od kojih se mnogi vraćaju na posao u svoje prijeratne općine:

1. Epizoda 1, **“Odlika”**: Potencijalni regruti su pred teškom odlukom – da li se prijaviti na policijsku akademiju ili

ne? Šta će na to reći roditelji i prijatelji? Hoće li biti pozvani na testiranje? Ko će biti izabran od osoba pozvanih na testiranje?

1. Epizoda 2, **"Ispit"**: Kadeti se navikavaju na akademski i društveni život na akademiji. Ali, s približavanjem ispita, te završetkom obuke na Akademiji, da li su oni radili dovoljno kako bi na terenu bili uspješni?
1. Epizoda 3: **"Na zadatku"**: Pod budnim okom (ili nadzorom) policijskih službenika sa dugogodišnjim iskustvom, kadeti stižu prva iskustva pravog policijskog posla. Za mnoge od njih, ovo znači i povratak prijeratnim domovima. Ali, nakon diplomiranja, kako će biti raditi samostalno? Ova epizoda se takođe bavi i radnim životom policajaca- povratnika – šta ih je ponukalo da se vrate i kako izgleda raditi u svojoj prijeratnoj sredini?

"Policija" je urađena u produkciji producenatske kuće MC Media u suradnji sa OHR-om i UNMIBH-om, a finansirao ju je OHR. MC Media sa sjedištem u Širokom Brijegu je odabrana na osnovu javnog konkursa. Serija je snimana tokom 2000 i 2001 godine na policijskim akademijama i u Banja Luci i u Sarajevu, kao i na terenu.